



玉函山房輯佚書

口 11  
1236  
35

卅五





1236  
35

1236  
35





春秋左氏傳解詁四卷後漢服虔撰仍之虔字子慎  
初名重又名祗後改爲虔河南滎陽人官至九江太  
守後漢書儒林有傳傳稱作春秋左氏傳解行之至  
今又以左傳駁何休之所議漢事十六條張瑩漢南  
紀云尤明春秋左氏傳爲作訓解劉義慶世說新語  
云鄭元欲注春秋傳尙未成時行與服子慎遇宿過  
舍先未相識服在外車上與人說己注傳意元聽之  
良久多與己同立就車與語曰吾久欲注尙未了聽  
君向言多與吾同今當盡以所注與君遂爲服氏注



然則服氏解中有康成手稿服鄭固一家之學也隋書經籍志云賈逵服虔至魏始行於世晉杜預又為經傳集解服虔杜預注俱立國學而後學惟傳服義至隋杜氏盛行服義寢微今殆無師說隋志載三十一卷唐志釋文並三十卷今佚從王應麟所輯古文春秋左傳所引服說更補缺漏釐為四卷又考服有春秋左氏膏肓釋痾隋志十卷唐志五卷春秋漢議駁隋志梁有二卷唐志十一卷春秋成長說隋志九卷唐志七卷春秋塞難隋志三卷春秋音隱唐志一

卷今並散亡唯於後漢續志注得釋痾一條於正義得成長說一條附著解誼後孔疏每駁服申杜疏家體式宜然北史謂江左左傳則杜元凱河洛左傳則服子慎要其會歸殊方同致此為持平之論已歷城馬國翰竹吾甫



春秋左氏傳解詁卷一

漢服虔撰

隱公左氏傳解詁孔穎達正義引服虔所注題云又曰服言左氏傳三字蓋本傳之題也

惠公元妃孟子孟子卒

嫌與惠公俱卒故重言之下仲子亦然正義

繼室以聲子生隱公

聲子之諡非禮也杜佑通典卷一百

元年春王周正月



孔子作春秋於春每月書王以統三王之正正義不書即位攝也

四公皆實即位孔子修經乃有不書正義引舊說賈服之徒

恩深可忍則傳言不稱恩淺可忍則傳言不書正義

引劉賈穎為傳文生例

三月公及邾儀父盟於蔑邾子克也未王命故不書

爵曰儀父貴之也

儀父嘉隱公有至孝謙讓之義而與結好故貴而

字之正義引賈服北杏之會時已得王命同爵者醮也

所以醮盡其材同土引服虔

初鄭武公娶于申曰武姜

鄭東鄭古鄆國之地詩鄭譜正義

生莊公及共叔段

共諡正義引賈服

都城過百雉國之害也先王之制大都不過參國之一中五之一小九之一

雉長三丈百雉五百步大都不過三之一則鄭是

伯爵城有千五百步為五里是公七里侯伯五里



禮記卷二十三

子男三里矣

周禮典命賈公彥引賈服杜君等義

毋使滋蔓

滋益也蔓延也謂使其惡益延長也

釋元應大般涅槃經音義

大叔完聚

聚禾黍也

正義

謂之鄭志

上本欲養成其惡而加誅使不得生書此鄭伯之

志意也

正義

不及黃泉無相見也

天元地黃泉在地中故曰黃泉

史記鄭世家表駟集解文選繆熙

伯挽歌詩李善注又古詩十九首注又揚子雲劇秦美新文注

公入而賦大隧之中其樂也融融姜出而賦大隧之

外其樂也洩洩

入言公出言姜明俱出入互相見

正義

秋七月天王使宰咺來歸惠公之贈

賄覆也天王所以覆被臣子

同上

同軌畢至

軌車轍也

正義引鄭元服虔

春秋左傳傳直

卷一

三 婦孺館補校



惠公之薨也有宋師

宋師即黃之師也是時宋來伐隱公自與戰正義

三年

潢汙行潦之水

畜水水謂之潢水不流謂之汙行潦道路之水是

也正義文選班孟堅答賓戲注引云水不洩謂之汙

衛莊公娶于齊東宮得臣之妹曰莊姜

得臣齊大子名居東宮詩衛風碩人正義

驕奢淫佚所自邪也四者之來寵祿過也

言此四者過從邪起正義

四年

文衛州吁立將修先君之怨於鄭

先君為莊公正義隱公二年鄭人伐衛是也詩邶風擊鼓正義

義引

君若伐鄭以除君害君為主做邑以賦與陳蔡從

公子馮將為君害言以賦與賦兵也以田賦出兵

故謂之賦

故宋公陳侯蔡人衛人伐鄭



衛使宋爲主使大夫將故叙衛于陳蔡下

並同上

衛人使右宰醜泄殺州吁于濮

右宰醜衛大夫濮陳地

見記衛世家集解

五年

昭文章

大司馬職曰中秋教治兵辨旗物之用王載大常

諸侯載旂軍吏載旗師都載旛鄉遂載物郊遂載

旒百官載旟遂以彌田

正義云服虔解此亦引司馬職文

鳥獸之肉不登於俎皮革齒牙骨角毛羽不登於器

上登爲升下登爲成

正義

九月考仲子之宮將萬焉

宮廟初成祭之名爲考將納仲子之主故考成以

致其五祀之神以堅之

天子用八諸侯用六大夫四士二

用六六八四十八大夫四爲四八三十二士二爲

二八十六

正義宋書樂志通典卷一百四十七並引云天子八八諸侯六八大夫四八

士二

夫舞所以節八音而行八風



八卦之風乾音石其風不周坎音革其風廣莫良

音匏其風融震音竹其風明庶巽音木其風清明

離音絲其風景坤音土其風涼兌音金其風闓闓

正義

六年

春鄭人來渝平更成也

公爲鄭所獲釋而不結平於是更爲約束以結之

故曰渝平

正義

秋宋人取長葛

長葛不繫鄭者刺不能撫有其邑

正義引賈服

七年

戎朝于周發幣于公卿凡伯弗賓

戎以朝禮及公卿大夫發陳其幣凡伯以諸侯爲

王卿士不修賓主之禮敬報于戎是以冬天王使

凡伯來聘還戎伐之於楚邱以歸

儀禮覲禮賈公彥疏

敵如忘

如而也臨敵而忘其盟載之辭言不精也

正義

八年



先配而後祖

大夫以上無問舅姑在否皆三月見祖廟之後乃始成昏故譏鄭公子忽先為之配匹乃見祖廟季文子如齊致女三月始成昏禮記曾子問正義引賈逵服虔

諸侯以字為諡因以為族  
公之母弟則以長幼為氏貴適統伯仲叔季是也  
庶公子則以配字為尊公族展氏臧氏是也正義  
官有世功則有官族邑亦如之

謂異姓宋司城韓魏同上

九年

先者見獲必務進進而遇覆必速奔

先者見獲言必不往相救各自務進言其貪利也

正義

十有一年

春滕侯薛侯來朝爭長

爭長先登授書儀禮觀禮疏

周之宗盟

宗盟同宗之盟正義



頽考叔挾軻以走

考叔挾車轅筮馬而走同上

使營菟裘吾將老焉

菟裘魯地也營菟裘以作宮室欲居之以終老也

史記魯世家集解

館於窻氏

館舍也窻氏魯大夫同上

桓公左氏傳解詁

元年

宋華父督見孔父之妻於路目逆而送之曰美而

華父督戴公之孫目者極視睛不轉也史記宋微子世家集解

解

二年

會於稷以成宋亂

成宋亂成就宋亂正義引鄭衆服虔

宋殤公立十年十一戰

與夷隱四年卽位一戰伐鄭圍其東門再戰取其

禾皆在隱四年三戰取邾田四戰邾鄭入其郭五



戰伐鄭圍長葛皆在隱五年六戰鄭伯以王命伐  
宋在隱九年七戰公敗宋師于菅八戰宋衛入鄭  
九戰宋人蔡人衛人伐戴十戰戊寅鄭伯入宋皆  
在隱十年十一戰鄭伯以號師大敗宋師在隱十

一年正義

大路越

大路木路同上大路總名也如今駕駟高車矣尊卑

俱乘之其朱飾有差後漢書輿服志劉昭注越席結括草以

爲席史記魯世家集解

藻率鞞鞞鞞鴈游纓

藻畫藻率刷巾禮有刷巾正義鞞鞞鞞帶也一名大帶

鴈大帶之垂者正義云賈服等說鞞鴈皆與杜同禮記內則正義引服氏云鞞大帶

又詩小雅都人士正義引彼服氏以鞞爲之大帶也纓如索帶今乘輿大駕

有之正義

錫鸞和鈴

鸞在鑣和在衡史記禮書集解

三辰旂旗

三辰日月星也謂之辰者辰時也日以照晝月以



照夜星則運於天民得其時節故謂之辰也詩大

雅大明正義儀禮觀禮疏引首句云三辰謂日月星

武王克商遷九鼎於雒邑

今河南有鼎中觀尙書洛誥正義

蔡侯鄭伯會於鄧始懼楚也

鄧曼姓也史記楚世家集解言蔡鄭會于鄧之國都正義云賈

服以鄧爲國云云

士有隸子弟

士卑自以其子弟爲僕隸祿不足以及宗是其有

隸子弟也儀禮既夕禮賈公彥疏

三年

春曲沃武公伐翼次於陘庭韓萬御戎

韓萬晉大夫曲沃桓叔之子莊伯之弟晉爲大夫

以韓爲氏也詩大雅韓奕正義

五年

蔡人衛人陳人從王伐鄭

言人者時陳亂無君則三國皆大夫也故稱人詩衛

風伯兮正義



秋大雩書不時也凡祀啓蟄而郊龍見而雩

大雩夏祭天名雩之言遠也遠為百穀祈膏雨也

禮記月令正義楊士勛穀梁傳疏後漢書禮儀志注引多首句正義云賈服以雩為遠龍見

而雩龍角亢也謂四月昏龍星體見萬物始盛待

雨而大故雩祭以求雨也一說大雩者祭於帝而

祈雨也一說郊祀天祈農事祭山川而祈雨也後漢

書禮儀志魯祭天以孟月祭宗廟以仲月禮記王制正義

始殺而嘗

始殺孟秋正義引賈服

冬淳于公如曹皮其國危遂不復

春秋前以黜陟之法進爵為公正義

六年

春自曹來朝書曰實來詩大雅韓奕正義云春秋桓六年州公實來而左傳作實

來錢氏大昕云孔氏所據乃服虔本

公曰吾牲牷肥腍

牛羊曰肥豕曰腍正義

嘉粟旨酒

穀之初熟為粟詩大雅生民正義引賈服



九月丁卯子同生以太子生之禮舉之接以太牢

桓太子莊公同接者子初生接見於父 太平御覽卷一百四

六十

以德命為義

謂若大王度德命文王曰昌文王命武王曰發 正義

不以畜牲

六畜謂馬牛羊豕犬雞 正義引鄭衆服虔

不以器幣

俎豆鬯葵犧象之屬 正義

宋以武公廢司空

武公名司空廢為司城 禮記檀弓下正義引服虔杜預

七年

穀伯鄧侯來朝名賤之也

穀鄧密邇於楚不親仁善鄰以自固卒為楚所滅無同好之救又有殺賢兄之惡故賤而名之 正義

九年

曹太子來朝

曹太子桓公子莊公射姑 太平御覽卷一百四十六



賓之以上卿之禮

曹伯有故使其太子攝而朝曲禮曰諸侯之嫡子攝其君來誓於天子則皮帛繼子男諸侯之上卿禮也上卿出入三稍食三牢牽一享一食宴之也初獻樂奏而歎

初獻酒如獻爵樂奏人上堂也初獻爵樂奏太子歎而哀樂也

施父曰

施父魯大夫並同上

曹天子其有憂乎非歎所也

古之為享食所以觀威儀省福禍無喪而戚憂必讐焉今曹天子臨樂而歎是父將死而兆先見也

正義

十年

故虞公出奔共池

共池闕僖六年正義

十有一年

春齊衛鄭宋盟于惡曹

春秋左傳句解

十三 鄭媛館補交



不書宋宋後盟正義

君多內寵

言庶子有寵者多史記鄭世家集解

雍氏宗有寵於宋莊公

為宋正卿故曰有寵同上

十有三年

不書所戰後也

不日者公至而後定戰日地之與日當同時設期

公既不及期地安得及期日也正義

夫固謂君訓衆而好鎮撫之

六謂鬬伯比也襄二十三年正義

十有四年

乙亥嘗

魯以壬申被災至乙亥而嘗不以災害為恐正義

十有五年

鄭伯因櫟人殺檀伯而遂居櫟

檀伯鄭守櫟大夫櫟鄭之大都酈道元水經注卷二十二 史記周

本紀集解引 櫟大都句



十有六年

衛宣公烝於夷姜

上淫曰烝 詩齊風雄 狐正義

宣姜與公子朔構急子

構會其過惡 詩邶風二子 乘舟正義

公使盜待諸莘將殺之

莘衛東地上

十有七年

夏五月

若登臺而不視朔則書時不書月若視朔而不登

臺則書月不書時若雖無事視朔登臺則定書時

禮記中庸正月 義引賈服

天子有日官諸侯有日御日官居卿以底日

日官曰御典歷數者也是居卿者使卿居其官以

主之重歷數也 周禮春官 太史疏

十有八年

公會齊侯於濼遂及文姜如齊齊侯通焉

傍淫曰通 詩齊風雄 凡淫曰通 同

春秋左傳卷一百一十一

卷一

圭娜娘館補校



夏四月丙子享公

為公設享讌之禮

史記魯世家集解

秋齊侯師於首止

首止近鄭之地

史記鄭世家集解

祭仲逆鄭子于陳而立之

鄭子昭公弟子儀也

詩鄭風出其東門正義

莊公左氏傳解詁

元年

三月夫人孫於齊

桓公之薨至是年三月葬而小祥公憂思少殺念及於母以其罪重不可以反之故書孫于齊耳其實先在於齊本未歸也詩齊風南山正義引何休賈逵服虔蓋魯桓之喪從齊來同上引服云

文姜出故也

文姜通於兄齊襄與殺公而不反父殺母出隱痛

深諱魏書竇瑗傳

不稱姜氏絕不為親禮也

夫人有與殺桓之罪絕不為親得尊父之義善莊



公思大義絕有罪故曰禮也同上

八年

瓜時而往曰及瓜而代

瓜時七月及瓜謂後年瓜時史記齊世家集解

連稱有從妹在公宮

為妾在宮也

見大豕從者曰公子彭生也

公見貌從者乃見彭生鬼改形為豕也並同上

豕人立而啼

啼呼也

文選左太冲蜀都賦注引服子慎

九年

齊小白入于齊

齊大夫來迎子糾公不函遣而盟以要之齊人歸

迎小白謂迎小白者疑是盟正義引賈服

十年

蒙臯比而先犯之

樂記云倒載干戈包之以虎皮名之曰建橐橐字

或作建臯正義云服虔引



十有一年

覆而敗之曰取某師

覆隱也設伏而敗之謂攻其無備出其不意敵人

不知敗之易故曰取正義

宋公靳之

恥而惡之曰靳正義陸德明釋文

十有二年

羣公子奔蕭公子御說奔毫

蕭毫宋邑也史記宋世家集解

亦請南宮長萬於陳以賂陳人使婦人飲之酒而犀革裏之

宋萬多力勇不可執故先使婦人誘而飲之酒醉而縛之

宋人醢之

醢肉醬並同上

十有四年

內蛇與外蛇鬪於鄭南門中內蛇死六年而厲公入

蛇北方水物水成數六故六年而厲公入正義



十有六年

不可使共叔無後於鄭使以十月入

定叔之祖共叔段有伐君之罪宜世不長而云不可使共叔無後於鄭言其刑之偏頗鄭厲公以孽子篡適同惡相恤故黨於共叔欲令其後不絕傳所以惡厲公也正義

十有八年

夏公追戎於濟西不言其來諱之也

桓公為好莊公獨不能修而見侵濟西曹地

周禮地官

小司徒疏

秋有蜚為災也

蜚短狐南方盛暑所生其狀如鼈古無今有含沙

射人入皮肉中其瘡如疥徧身中獲獲蜚故為

災禮曰惑君則有周禮秋官蠹氏疏正義引徧身二句作或或

二十年

燕仲父

南燕伯爵正義

二十有一年



鄭伯享王於闕西辟

西辟西徧也當謂兩觀之內道之西也正義

鄭伯之享王也王以后之鞶鑑予之號公請器王予之爵鄭伯由是始惡於王

鞶鑑王后婦人之物非所以賜有功爵飲酒器王

爵也一升曰爵爵人之所貴言鄭伯以其父得賜

不如號公為是始惡於王積而成怨正義

二十有二年

翹翹車乘

翹翹遠貌詩周南漢廣正義

辭曰臣卜其晝未卜其夜

臣將享君必卜之示戒慎也正義詩小雅湛露正義

五世其昌並於正卿

言完後五世與卿並列史記陳世家集解

遇觀之否

坤下巽上觀坤下乾上否觀爻在六四變而之否

同上引賈逵正義云賈服並皆用焉

風行而著於土其在異國乎



巽在坤上故為著土也一曰巽為風復為木風吹木實落去更生他土而長育是為在異國正義

二十有八年

大無麥禾

陰陽不和土氣不養故禾麥不成也傳言饑而經不書者得齊之糴救民之急不至於饑也傳言饑者指未糴之前說言糴之意故言饑也正義

臧孫辰告糴於齊

不言如重穀急辭以其情急於糴故不言如齊告

糴乞師則情緩於穀故云如楚乞師正義

三十年

鬪射師諫則執而措之

射師若敖子鬪班也正義

冬遇於魯濟謀山戎也以其病燕故也

山戎北狄蓋今鮮卑也史記齊世家集解

三十有二年

故有得神以興亦有以亡虞夏商周皆有之

虞舜祖考來格鳳皇來儀百獸率舞正義



初公築臺臨黨氏見孟任

黨氏魯大夫任姓史記魯世家集解

從之闕

從之言欲與通也正義

割臂盟公

割其臂以與公盟史記魯世家集解

國人犇自牆外與之戲

國人掌美馬者犇其名也同上

能投蓋于稷門

能投千鈞之重過門之上也水經注卷二十五

使鍼季醜之

鳩鳥一日運日鳥史記魯世家集解

成季奔陳

季友內知慶父之情力不能誅故避其難出奔同上

立閔公

閔公於是年九歲正義閔二年正義引服虔莊三十二年注



春秋左氏傳解詁卷二

閔公左氏傳解詁

元年

因重固

重不可動因其不可動而堅固之正義

以滅耿滅霍滅魏

三國皆姬姓魏在晉之蒲坂河東也史記晉世家集解太平

御覽卷一百六十三引云魏在晉之蒲坂

分之都城而位以卿



邑有先君之主曰都史記晉世家集解

而位以卿先為之極

言其祿位極盡於此

萬盈數也魏大名也

數從一至萬為滿魏喻巍巍高大也

以是始賞天啓之矣

以魏賞畢萬是為天開其福並同上

初畢萬筮仕於晉

畢萬在周筮仕於晉正義云劉炫用服氏之說

二年

夫人姜氏孫於邾

文姜殺夫罪重故去姜氏哀姜殺子罪輕故不去

姜氏正義引賈服之說

虢公敗犬戎于涇隧

隊謂汭也水經注卷十九

初公傅奪卜齋田公不禁秋八月辛丑共仲使卜齋

賊公於武闈

公即位時年九歲正義



季氏亡則魯不昌

謂季友出奔魯弑二君

鶴有乘軒者

車有藩曰軒並同上

齊人使昭伯烝於宣姜

昭伯衛宣公之長庶伋之兄宣姜宣公夫人惠公

之母也詩鄘風牆有茨正義

許穆夫人賦載馳

載馳五章屬鄘風許夫人閔衛滅戴公失國欲馳

驅而唁之故作此自痛國小力不能救在禮婦人

父母既沒不得寧兄弟於是許人不嘉故賦二章

以喻思之不遠也許人尤之遂賦三章以卒章非

許人不聽遂賦四章言我遂往無我有尤也詩鄘風載

馳正義

歸夫人魚軒

魚獸名詩小雅采芣正義

重錦三十兩

重牢也正義



晉侯使太子申生伐東山臯落氏

臯落赤翟之都也世謂之倚毫水經注卷四

太子奉冢祀社稷之粢盛以朝夕視君膳者也

廚膳飲食史記晉世家集解

君行則守有守則從

有代太子守則從之

從曰撫軍

助君撫循君事

無懼不得立

不得立已也

公衣之偏衣佩之金玦

偏褻之衣偏異色駁不純褻在中左右異金玦以

金爲玦也並上

是服也狂夫阻之

阻止也方相之士蒙元衣朱裳主索室中毆疫號

之爲狂夫止此服言君與太子以狂夫取止之服

衣之正義

與其危身以速罪也



速召也疾也言太子不去自不危疾召罪狐突知其雖本不成而太子拘于一節不達至孝之義與臯落雖戰勝而歸猶不能免於難而使父有悖惑殺子之罪故傳曰備眾賢之言以迹太子所以死也經在僖公五年晉侯殺其世子申生

太平御覽卷一百四

聞成季之繇

繇抽也抽出吉凶也

易釋文

衛文公大布之衣大帛之冠

戴公卒在於此年

詩鄘風定之方中正義

僖公左氏傳解詁

元年

齊師宋師曹伯次於聶以救邢

襄二十三年叔孫豹救晉次於雍榆二事相反此是君也進止相反彼是臣也先通君命

正義云賈服取以為說

九月公敗邾師於偃虛丘之戍將歸者也

虛丘魯邑魯有亂邾使兵戍虛邱魯與邾無怨因



兵將還要而敗之所以惡僖公也正義

夏五月辛巳葬我小君哀姜

閔公死時年九歲閔二年正義引僖二年注

二年

冀為不道入自顛輪伐鄭三門

謂冀伐晉正義鄭晉別都後漢書郡國志劉昭注

冀之既病則亦惟君故

謂虞助晉也將欲假道稱前恩以誘之正義

夏晉里克荀息帥師會虞師伐虢滅夏陽

夏陽號邑也在太原東北三十里城南史記晉世家

酈道元水經卷四引作夏陽三十里下有城南二字穀梁傳曰下陽虞虢之

塞也史記晉世家集解

四年

春齊侯以諸侯之師侵蔡蔡潰

民逃其上曰潰也史記齊世家集解

楚屈完來盟于師

公羊傳曰屈完者何楚大夫也何以不稱使尊屈

完也曷為尊屈完以當桓公也正義云服虔取以為說言來



者外楚也嫌楚無罪言來以外之正義

唯是風馬牛不相及也

風放也牝牡相誘謂之風正義

昔召康公命我先君大公曰

召公奭史記齊世家集解

五侯九伯女實征之

五侯公侯伯子男九伯九州之長太公為王官之

伯掌司馬職以九伐之法征討邦國故得征之詩

風旄邱正義 周禮春官大宗伯引賈服禮記王制正義引服云五等諸侯九州之伯

賜我先君履東至于海西至于河南至于穆陵北至于無棣

太公受封境界所至史記齊世家司馬貞索隱

昭王南征而不復寡人是問

周昭王南巡狩涉漢未濟船解而溺昭王王室諱

之不以赴諸侯不知其故故桓公以為辭責問楚

人也史記齊世家集解

楚國方城以為城漢水以為池

方城山也在漢南漢水名皆楚之隘塞耳詩商頌殷武正義



義 史記齊世家集解引云方城在漢南索隱引云在漢南三字據補

姬謂天子曰君夢齊姜必速祭之天子祭於曲沃

曲沃齊姜廟所在 史記晉世家集解

五年

公既視朔遂登觀臺以望而書禮也

人君入太廟視朔告朔天子曰靈臺諸侯曰觀臺

在明堂之中 杜佑通典卷四十四 禮記玉藻正義引首二句 詩大雅靈臺正義引

天子二句又引賈逵服虔云靈臺在太廟明堂之中

狐裘龙茸一國三公吾誰適從

龙茸以言亂貌三公言君與二公子將敵故不知

所從 史記晉世家集解

披斬其祛

祛袂也 同上

諺所謂輔車相依

輔上領車也與牙相依 詩衛風碩人正義

甚愛之也 正義云服虔其作甚

愛之甚當謂愛桓莊之族之甚也 正義

人不易物惟德繫物



繫發聲也言黍稷牲玉不易無德薦之則不見饗

有德則見饗言物為有德用也詩大雅洞酌正義

衾服振振取號之旂

衾同也周禮春官司几筵疏引賈服杜君衾服黑

服也文選十六潘安仁開居賦注引服虔

而修虞祀

虞取祭祀命祀也史記晉世家集解

六年

使賈華

賈華右行大夫同上

七年

子華由是得罪于鄭

鄭伯罪之也太平御覽卷一百四十六

八年

晉里克帥師梁由靡御號射為右以敗狄於齧桑史記

作齧齧桑翟地史記晉世家集解索隱同

凡夫人不薨於寢不殯於廟不赴於同不耐於姑則

弗致也



寢謂小寢廟謂殯宮思神所在謂之廟禮記檀弓下正義

喪大記正義引云寢謂小寢也

九年

以伯舅臺老

七十曰臺詩秦風車鄰正義禮記射義正義

齊侯以諸侯之師伐晉及高粱而還

高粱晉地史記齊世家集解

公謂公孫枝

秦大夫公孫子桑同上

十年

子弑二君與一大夫

奚齊卓子荀息也史記晉世家集解

狐突適下國

晉所滅國以為下邑一曰曲沃有宗廟故謂之國

在絳下故曰下國也

夷吾無禮余得請於帝矣

帝天帝請伐其罪並同上

遂殺平鄭祁舉及七輿大夫



上軍之與帥七人屬申生者襄二十三年下軍與師七人往前申生將上軍陳樹華云上當作下今七與七大夫為申生報怨欒盈將下軍故七與大夫與欒氏

正義

十有二年

冬齊侯使管夷吾平戎於王使隰朋平戎於晉

戎伐周晉伐戎救周故和也史記周本紀集解

陪臣敢辭

陪重也諸侯之臣於天子故曰陪臣同上

十有三年

謂百里

秦大夫史記晉世家集解

十有四年

秋八月辛丑沙鹿崩

沙山名鹿山足林屬於山曰鹿正義

號射曰

號射惠公舅史記晉世家集解

十有五年



公曰不遜據注孫當作遜

遜順

步揚御戎家僕徒為右

二子晉大夫也並同上

輅秦伯將止之

輅迎也同上索隱同

使以免服衰經逆且告乃舍諸靈臺正義云傳文於此或有上天降

災使我兩君相見不以玉帛而以典戎若晉君朝以入則婢子父以死及以入則朝以死唯君裁之甚煩傳本若有此文服虔必應多解何由四十餘

字不解一言亦至二十二年始解婢子明是本無之也

晉於是乎作爰田

爰易也賞眾以田易其疆畔正義引服虔孔晁

其繇曰士刳羊亦無盍也女承筐亦無貺也

離為戈兵兌為羊震變為離是用兵刺羊之象也

三至五有坎象坎為血血在羊上故刺無血也震

為竹竹為筐震變為離離為火動而上其施不

下故筐無實也

西鄰責言不可償也

春秋左氏傳解詁卷二

十三鄭媛館補校



三至五為坎坎為月月生西方故為西鄰坎為水  
兌為澤澤聚水故坎責之澤澤償水則竭故責言  
不可償

歸妹之際猶無相也

兌為金離為火金火相遇而相害故無助也

震之離亦離之震為雷為火為羸敗姬車脫其輓火  
焚其旗不利行師敗於宗丘

據注說當當為脫

離為日為火秦嬴姓水位三至五有坎象水勝火  
故為羸敗姬五至三有坎坎為水象震為車車得

水而脫其輓也震為龍龍為諸侯旗離之震故火  
焚其旗也震東方木兌西方金木遇金必敗韓有  
先君之宗廟故曰宗丘  
歸妹睽孤寇張之弧

坎為寇為弓故曰寇張之弧

此一役也

一役者謂赴戰之役

並同上

箕子曰其後必大

箕子紂之庶兄

正義引服杜



十有六年

君失問是陰陽之事非吉凶所生也

鷓退風咎君行所致非吉凶所從生襄公不問己

行何失而致此變但問吉凶焉在以為石墮鷓飛

吉凶何從而生故云君失問正義

十有七年

男為人臣女為妾故名男曰圉女曰妾

圉人掌養馬臣之賤者不聘曰妾史記晉世家集解

齊侯好內多內寵

內婦官也史記齊世家集解

易牙入與寺人貂因內寵以殺羣吏

內寵如夫人者六人羣吏大夫也同上

二十年

凡啓塞從時

闔扇所以開鍵閉所以塞月令仲春修闔扇孟冬

修鍵閉從時從此時也正義

二十有一年

修城郭



國家凶荒則無道之國乘而加兵故修城郭為守

備也正義

二十有二年

寡君之使婢子侍執巾櫛

曲禮云世婦以下自稱婢子婢子婦人之卑稱史記

晉世家

富辰言于王

富辰周大夫史記周本紀集解

二十有三年

春齊侯伐宋圍緡以討其不與盟于齊也

魯僖公十九年諸侯盟于齊以無忘桓公之德宋

襄公欲行霸道不與盟故伐之史記齊世家集解

策名委負貳乃辟也

古者始事必先書其名於策委死之質於君然後

為臣必死節於其君也史記晉世家索隱

司空季子

胥臣曰季也史記晉世家集解

狄人伐虜咎如



赤狄之別種隗姓

將行謀於桑下蠶妾在其上以告姜氏姜氏殺之

懼孝公怒故殺之以滅口也並同上

宋襄公贈之以馬二十乘

二十乘八十匹史記宋世家集解

公子懼降服諱囚

申意於楚子伸於知己降服於懷嬴屈於不知己

正義

二十有四年

臣負羈紲從君巡天下據注續當作繼

一曰犬緇曰繼古者行則有犬正義

單于郇

郇國在解縣東郇瑕氏之墟也水經注卷六

晉侯逆夫人嬴氏以歸

繆公女史記秦本紀集解

上下相蒙

蒙欺也史記晉世家集解

鄭伯怨惠王之入而不與厲公爵也



惠王以后之盤鑑與鄭厲公而獨與虢公玉爵

周本紀集解

召穆公思周德之不類

召穆公王卿士

詩小雅黍苗正義

穆公召康公十六世孫

詩大雅民勞正義

鄭有平惠之勲又有宣厲之親

宣王封母弟友於宗周

詩鄭譜正義引服虔杜預

二十有五年

公會衛子苜慶盟于洮

明不失子道

禮記曲禮下正義

遇黃帝戰于阪泉之兆

阪泉地名

史記五帝本紀集解

三月甲辰次於陽樊

陽樊周地陽邑名也樊仲山之所居故曰陽樊也

史記晉世家集解後漢書郡國志劉昭補注

二十有六年

公使展喜犒師

以使枯槁故饋之飲食勞苦謂之勞也

正義



室如縣罄

言室屋皆發撤椽椽在如縣罄同上

夔子不祀祝融與鬻熊

夔楚熊渠之孫熊摯之後夔在巫山之陽神歸縣

史記楚世家集解 水經注卷三 十四引云在巫之陽神歸歸鄉

二十有八年

天王狩于河陽

河陽温也水經注卷五 引賈逵服虔

還自南河濟

南河濟河之東南流河也史記衛世家集解

胥臣佐下軍

胥臣曰季也史記晉世家集解

衛侯出居于襄牛

衛地

非敢必有功也願以閒執讒慝之口

子玉非敢求有大功但為執為賈讒慝之口謂子

子玉過三百乘不能入也並同上

晉侯夢與楚子搏楚子伏己而監其腦



如俗語相罵云噍女腦矣正義

作王宮于踐土

既敗楚師襄王自往踐土賜晉侯命晉侯聞而為

之作宮史記晉世家集解

駟介百乘徒兵千

駟介駟馬被甲也徒兵步卒也同上

彤弓一彤矢百旅弓矢千

旅弓以射甲革楯質詩小雅彤弓正義 矢千則弓十同上

癸亥王子虎盟諸侯于王庭

王庭踐土也史記晉世家集解

楚子玉自為瓊弁玉纓

謂馬飾禮記王制正義

晉侯作三行

辟天子六軍故謂之三行也史記晉世家集解

二十有九年

介葛盧聞牛鳴曰是生三犧皆用之矣

言八律之音聽禽獸之鳴則知其嗜欲死可知伯

益明是術故堯舜使掌朕虞至周失其道官又在



四夷若周未失道官本不在四夷無解鳥獸之語者何周公盛明制禮使夷隸絡緜與鳥獸之言隸

周禮秋官夷疏引賈服

三十年

鄭公子蘭出奔晉

鄭逐羣公子故奔晉 太平御覽卷一百四十六

請無與圍鄭許之

晉善蘭不忘本國故也

故使待命于東

待命于鄭東也 並同上

王使周公闕來聘饗有昌歆白黑形鹽

昌歆昌本之菹 周禮天官籩人疏 形鹽鹽虎 同上

東門襄仲將聘于周遂初聘于晉

先聘晉後聘周 正義引賈服

三十有一年

猶三望

三望分野之星國中山川 正義引賈逵服虔周禮小司徒疏引服氏無

之字



三十有三年

秦師輕而無禮必敗

無禮謂過天子門不褻甲束兵而但免胄

正義

唯是脯資餼牽竭矣

腥曰餼

儀禮聘義疏正義引云死曰餼

禮記聘

遂墨以葬文公晉於是始墨

非禮也

史記晉世家集解

文嬴請三帥

穆公女

史記集解

文夫人斂而葬之鄆城之下

鄆城故鄆國之墟

詩鄭風緇衣正義

特祀于主烝嘗禘于廟

特祀于主謂在寢烝嘗禘于廟者三年喪畢遭烝

嘗則行祭皆于廟焉遭烝嘗乃于廟則自三年以

前未得遷于廟而禘祭

儀禮士虞禮疏

三年禘祭乃遷此

廟

禮記檀弓正義引服杜

文公左氏傳解詁

元年



且是人也蠶目而豺聲忍人也

言忍為不義史記楚世家集解

潘崇曰能事諸乎

若立職子能事之

能行大事乎

謂弑君並同上

二年

勇則害上不登於明堂

明堂祖廟禮記玉藻正義 通典卷四十四 正義引左氏舊說及賈逵盧植蔡邕服虔

等皆以明堂與祖廟為一

丁丑作僖公主書不時也

凡君薨耐而作主三年終禘遭烝嘗則行祭禮別禮

春官鬱人疏引賈服

故禹不先鯀湯不先契文武不先不窋

周家祖后稷以配天明不可先也故言不先不窋

禹湯異代之王故言不先鯀契也正義

三年

取王官及郊



皆晉地不能有史記秦本紀集解

舉人之周也

周備也同上

四年

圍邠新城

秦邑新所作城也史記晉世家集解

三年

王使榮叔歸含賵

含賵當異人今一人兼兩使故書且以譏之正義引賈

服

不祀忽諸

諸辭詩邶風柏舟正義

六年

春晉蒐于夷舍二軍使狐射姑將中軍趙盾佐之陽處父至自温改蒐于董易中軍

使狐射姑氏先且居趙盾代趙衰也箕鄭將上軍

林父佐也先蔑將下軍先都佐也改蒐于董趙盾

將中軍狐射姑奔狄先克代佐中軍耳正義



以子車氏之三子奄息仲行鍼虎為殉

子車秦大夫氏也殺人以葬璇環其左右日殉詩秦

風黃鳥正義

為之律度

鳧氏為鐘各自計律倍而半之黃鐘之管長九寸

則黃鐘之鐘長二尺二寸半餘鐘亦各自計律倍

而半之度量衡其本亦俱出於律正義

為難故故欲立長君史記作晉人以難故

晉國數有患難也史記晉世家集解

有此四德者難必紓矣

紓緩也正義引服虔作紓說文同一本作舒

辰嬴嬖於二君

辰嬴懷嬴也二公懷公文公史記晉世家集解

班在九人

班次也同上

七年

秦康公送公子雍于晉

康公秦穆公之子營晉出也太平御覽卷一百四十六



曰文公之入也無衛故有呂卻之難乃多與之徒衛

衛從兵也呂甥卻芮欲焚公宮也

穆嬴日抱太子

襄公夫人並同上

舍適嗣不立而外求君將焉寘此

寘置也同此太子史記晉世家集解

此子若才吾受子之賜

如子為善教誨此子使之有賢才知人君之道也

則吾受子之賜賜猶惠太平御覽卷一百四十六

不才吾惟子之怨

才而受賜美其教也不才怨子惡其教不至也

今君雖終言猶在耳

君沒未久而言聲言氣尙在耳

宣子與諸大夫皆患穆嬴且畏偏

言諸大夫患穆嬴之言以君顧命之言責己也畏

偏迫無置公一云畏他公子相逼迫也並同上

正德利用厚生

正德人德利用地德厚生天德周禮春官冢人疏



八年

晉侯使解揚歸匡戚之田于衛

解揚晉大夫

史記晉世家

且復致公壻池之封自甲至于虎牢之竟

致之于鄭

正義

十有一年

襄仲聘于宋且言司城蕩意諸而復之

反不書者施而不德

正義

鄭瞞侵齊遂伐我

伐我不書諱之也

正義

冬十月甲午敗狄于鹹獲長狄喬如富父終甥摯其

喉以戈殺之埋其首于子駒之門以命宣伯

據注僑常作喬

鹹魯地富父終甥魯大夫也摯猶衝宣伯叔孫得

臣子喬如也得臣獲喬如以名其子使後世旌識

其功

史記晉世家

初宋武公之世鄭瞞伐宋

武公周平王時在春秋前二十五年鄭瞞長翟國

名

同上



司徒皇父帥師禦之彤班御皇父充石公子穀甥為右司寇牛父駟乘以敗狄于長丘獲長狄緣斯皇父之二子死焉

不言所埋埋其身首同處於戰地可知正義殺緣斯

者未必三子之手士卒獲之耳同上

衛人獲其季弟簡如

獲與喬如同時史記魯世家集解

自安于夫鍾

自安猶處也夫鍾邑名太子御覽卷一百四十六

國人弗循

循順也同上

十有二年

戰于河曲

河曲晉地史記秦本紀集解

邠人立君

立君改立君不問天子也太子御覽卷一百四十一

太子以夫鍾與邠邠來奔

邠邠亦邑名也一曰邠邠之家寶圭太子及身而



自安於夫鍾國人以為不順故邲伯卒而更立君

太子以其國寶與地夫鍾來奔也同止

冬秦伯伐晉取羈馬

羈馬晉邑也史記秦本紀集解

十有三年

太室屋壞

太室太廟之上屋也北史牛宏傳鄭樵通志卷一百六十

作大廟太室之上屋也正義引賈服詩魯頌譜正義引服杜禮記明堂立正義引服氏並云大廟

室之

不如隨會能賤而有恥录而不犯

謂能處賤且又知恥言不可汙辱正義

乃使魏壽餘偽以魏叛者以誘士會按史記壽作讐

晉之魏邑大夫史記秦本紀集解

繞朝贈之以策

繞朝以策書贈士會正義向氏六帖引注義云以有策而不用也

十有四年

齊人執子叔姬

子殺身執閔之故言子為在室辭十二年子叔姬



卒已被祀絕是並在室也正義

十有五年

三月宋華耦來盟其官皆從之書曰宋司馬華孫貴之也

華耦為卿侈而不度以君命修好結盟舉其官屬從之空官廢職魯人不知其非反尊貴之正義

史佚有言曰兄弟致美救乏賀善弔災

史佚周成王大史禮記玉藻正義

一人門于句鄆一人門于泉丘

魯國中小寇非異國侵伐故不書也正義

十有六年

楚子乘驛會師于臨品分為二隊

隊部也文選司馬長卿子虛賦注

公子鮑美而艷襄夫人欲通之

周襄王之姊王姬也史記宋世家集解

而不可

鮑不肯也同上

十有七年



齊侯伐我北鄙襄仲請盟六月盟于穀

再來伐魯西鄙書北鄙不書諱仍見伐正義

以蕝陳事

蕝勅也正義引賈服

鹿死不擇音

鹿得美草呦呦相呼至於困迫將死不暇復擇音

急之至也正義

秋周甘獸敗戎于邠垂

邠垂在高都南水經注卷十五

十有八年

宣公長而屬諸襄仲襄仲欲立之叔仲不可

襄仲公子遂叔仲惠伯史記魯世家集解

在九刑不忘

正刑一議刑入小司寇入議議親故賢能功貴勤

賓之辟正義周禮秋官司刑疏引賈服以為正刑一加之以入議

昔高陽氏有才子八人蒼舒隕斃檇大臨危降庭

堅仲容叔達

八人禹垂之屬也正義

春秋左傳傳句

三子姬嬭館補校



天下之民謂之渾敦

山海經驩兜人面馬喙渾敦亦為獸名正義

服讒蒐慝以誣成德

蒐為隱隱慝謂陰隱為惡也成德謂成就之德正義

天下之民謂之橐杌

案神異經云橐杌狀似虎毫長二尺人面虎足猪

牙尾長丈八尺能鬪不退正義

緡雲氏有不才子

夏官為緡雲氏正義

謂之饕餮

貪財為饕貪食為餮預注正義云先儒謂餮為獸

名身如牛人面目在腋下食人正義

以禦螭魅

螭山神獸形或曰如虎而蝮虎或曰魅人面獸身

而四足好惑人山林異氣所生為人害周禮春官

者疏引賈服史記五帝本紀集解引人面已下

遂出武穆之族

出逐也史記宋世家集解



玉函山房輯佚書目

卷三十四

經編春秋類

春秋左傳解誼三卷

後漢服虔







去正義

遇于北林

北林鄭南地也

水經注卷二十二

二年

見叔牂曰子之馬然也對曰非馬也其人也既合而  
來奔

賈逵云叔牂宋守門大夫華元既見叔牂牂謂華  
元曰子見獲於鄭者是由子之馬使然也華元對  
曰非馬自奔也其人爲之也謂羊斟驅入鄭也奔

走也言宋人贖我之事既和合而我即來奔耳鄭  
衆云叔牂即羊斟也在先得歸華元見叔牂牂即  
誣之曰奔入鄭軍者子之馬然也非我也華元對  
曰非馬也其人也言是女驅之耳叔牂既與華元  
合語而即來奔矣又一說叔牂宋人見宋以馬贖  
華元謂元以贖得歸謂元曰子之得來當以馬贖  
故然華元曰非馬也其人也言己不由馬贖自以  
人事來耳贖事既合而我即來奔

正義云服虔載三說

子思于思



白頭貌詩小雅瓠葉正義

宰夫脯熊蹯不熟

蹯熊掌其肉難熟史記晉世家集解

使鉏麇

鉏麇晉力士史記晉世家集解

遂跣以下正義云服虔本扶作跣釋文云服虔注作跣

跣先典反徒跣也釋文趙盾徒跣而下走正義

公喉夫葵焉釋文喉服本作啜臧琳經義雜記依正義則服本亦作啜但訓啜為啜耳

啜啜也夫語辭葵犬名公乃啜夫葵使之噬盾也

義

宣三年矣

宦官學士也史記晉世家集解禮記曲禮正義引作宦學也

問其名居不告而退遂自亡也

不望報史記晉世家集解

趙宣子古之良大夫也為法受惡

聞義則服同上

初驪姬之亂詛無畜羣公子自是晉無公族

驪姬與獻公及諸大夫詛無畜羣公子欲合其二

三鄉嬖館補交



子專國正義

請以括爲公族大夫

公族大夫史記晉世家集解

冬趙盾爲軫車之族

軫車戎車之倖詩魏風況

三年

春王正月郊牛之口傷改卜牛牛死乃不郊

郊祀裘毳送逆尸禮記郊特牲正義

楚子伐陸渾之戎遂至于雒觀兵于周疆據注雒當作洛

陸渾戎在洛西南觀兵陳兵示周也史記宋世家集解

王使王孫滿勞楚子

以郊勞禮迎之也史記楚世家集解

貢金九牧

使九州之牧貢金同上

魍魎魍魎莫能逢之據注螭作魍罔兩作魍魎

魍魎山神獸狀魍魎怪物魍魎木石之怪周禮春官家宗人疏

文公報鄭子之妃曰陳嬀

鄭子文公叔父子儀也報復也淫親屬之妻曰報



詩邶風雄雉正義

四年

子公之食指動

食指第二指史記鄭世家集解俗所謂噍鹽指也正義

又射汰輶以貫笠轂

笠轂轂之蓋如笠所以蔽轂上以禦矢也一日車轂上鐵也或曰兵車旁幔輪謂之笠轂正義

九年

公孫歸父如齊

歸父襄仲之子史記魯世家集解

十有一年

令尹蔣艾獵城沂

艾獵蔣賈之子孫叔敖也正義

十有二年

先穀佐之

食采於莒正義

韓厥為司馬

厥韓萬立孫正義引服虔杜預

五 鄭煥館補校



觀釁而動

釁問也

釋文

周易有之在師之臨

坎為水坤為象又互體震震為雷雷鼓類又為長

子長子帥眾鳴鼓巡水而行行師之象也臨兌為

澤坤為地居地而俯視於澤臨下之義故名為臨

正義

果遇必敗免子尸之

主此禍也又易卦六五長子帥師弟子與師凶長

子帥師以中行也弟子與尸使不當也佐之於元

帥弟子也而專以帥濟使不當也軍必破敗而與

尸正義

輿路藍縷

言其縷破藍藍然

正義

其君之戎分為二廣廣有一卒卒偏之兩

左右廣各十五乘百人為卒言廣有卒為承也五

十人曰偏二十五人曰兩廣既有一卒為承承有

偏偏有兩故曰卒偏之兩

周禮夏官小司馬正義



代御執轡御下兩馬掉鞅而還

兩節也掉正也

杜預注正義曰服虔亦云

射麋麗龜

麗著也龜背之隆高當心

晉魏錡求公族未得

魏錡雙子

使輓車逆之

輓車屯守之車

並同上

楚人基之脫肩

肩橫木有橫木投於輪間一日肩車前橫木

正義釋

文作肩橫木投於輪間一日車前橫木也

是役也鄭石制實入楚師

入楚師使楚師來入鄭

正義

十有五年

宋人及楚人平

稱人眾辭善其與眾同欲

正義

登諸樓車

樓車所以窺望敵軍兵法所謂雲梯也

史記鄭世家集解



有死無隕

據注實當作隕

隕墜也

同上

子反懼與之盟而告王退三十里宋及楚平華元為質盟曰我無爾詐爾無我虞

與華元私盟許為退師若孟任割臂與魯莊公盟

下云盟曰是兩國平後共盟而楚人為此辭耳此

非華元私盟之辭也

正義

棄仲章而奪黎氏地

黎侯之國

詩邶風式微正義

民反德為亂亂則妖災生故文反正為乏

言人反正者皆乏絕之道也人反德則妖災生妖

災生則國滅亡是乏絕之道也

正義

十有六年

夏成周宣榭火

宣榭宣揚威武之處

正義

十有八年

公孫歸父如晉

歸父襄仲之子

史記魯世家集解



冬公薨季文子曰使我殺適立庶以失大援者仲也

夫援助也仲殺適立庶國政無常鄰國非之是失

大援助也

欲去三桓

三桓魯桓公之族仲孫叔孫季孫並同上

成公左氏傳解詁

元年

三月作丘甲

司馬法云四邑為丘有戎馬一匹牛三頭是曰匹

馬丘牛四丘為甸甸六十四井出長轂一乘馬四

匹牛十二頭甲士三人步卒七十二人戈楯具備

謂之乘馬詩小雅信南山正義

二年

癸酉師陳於鞌

鞌齊地名也史記齊世家集解

韓厥執紼馬前再拜稽首奉觴加璧以進

司馬法其有殞命以行禮如會所用儀也若殞命

則左結旗司馬授飲右持卮壺右承飲以進正義



且懼奔辟

辟扶赤反釋文

而使齊之封內盡東其畝

欲令齊隴畝盡東行史記齊世家集解

五伯之霸也

五伯謂夏伯昆吾商伯大彭豕韋周伯齊桓晉文

也詩譜序正義

若苟有以藉口

今河南俗語治生求利少有所得皆言可用藉口

矣正義

六年

季文子以鞶之功立武宮非禮也

鞶之戰禱武公以求勝故立其宮正義

必居郇瑕氏之地沃饒而近鹽

土平有漑曰沃鹽鹽也水經注卷六

子之佐十一人

是時欒書將中軍荀首佐之荀庚將上軍士燮佐之郤錡將下軍趙同佐之韓厥將新中軍趙括佐



之鞏朔將新上軍韓穿佐之荀騅將下軍趙旃佐

之正義

七年

使為行人于吳

行人掌賓客之禮籍以待四方之使賓大客受小

國之幣辭史記吳世家集解

八年

宋公使公孫壽來納幣

不稱主人母命不通故稱使婦人無外事

義禮土昏禮疏

晉侯夢大厲被髮及地搏膺而歸曰殺余孫不義

公明之鬼正義

居育之上膏之下

膏雖凝者為脂釋者為膏其實凝者亦曰膏故內

則云小切狼觸膏謂連心脂膏也

正義引賈服何休謂儒等

十有一年

晉侯使卻躒來聘己丑及卻躒盟

卻躒卻至從祖昆弟正義

十有三年



夏五月公自京師遂會晉侯齊侯宋公衛侯鄭伯曹伯邾人滕人伐秦

宋公衛侯先君未葬而稱爵識其不稱子禮記曲禮下正義引賈服注

寡人不佞

佞才也不才者自謙之辭也正義 論語 邢昺正義

十有五年

左師二司寇二宰遂出奔楚

魚石卿故書四人非卿故不書正義

十有六年

今楚內棄其民而外絕其好瀆齊盟而食話言奸時以動而疲民以逞

外絕其好刑不正邪也食話言義不建利也疲民以逞信不守物也正義

六月晉楚遇于鄢陵

鄢陵鄭之東南地也史記晉世家集解

皆曰國士在且厚不可當也

賁皇州犁皆言曰晉侯之士皆在君側且陳厚不



可當州犁言晉彊賁皇言楚彊故云皆日也正義

其卦遇復

復反也陰盛於上陽動於下以喻小人作亂於上  
聖人興道於下萬物復萌制度復理故曰復也其  
筮六爻無變者故言其所遇之卦而已

曰南國蹙射其元王中厥目

陽氣觸地射出為射之象並同上

有韎韝之跗注君子也

跗謂足跗注屬也袴而屬於跗周禮春官司服疏引賈服

察夷傷

金創為夷正義

子叔聲伯使叔孫豹請逆于晉師

叔孫豹先在齊矣此時從國佐在師聲伯令人就

齊師使豹豹不忘宗國聞白國佐為魯請逆正義

宋齊衛皆失軍

失軍失其軍糧同上

十有七年

壬申公孫嬰卒于狸豚



狸脈闕杜預正義引服虔

余恐死故不敢占也

聲伯惡瓊瑰贈死之物故畏而不敢言詩秦風渭陽正義

十有八年

辛未朝于武宮杜預本及晉語並作辛巳正義曰服虔本作辛未

荀賓為右司士屬焉

司士主右之官謂司右也正義

襄公左氏傳解詁

元年

敗其徒兵於洧上

洧水名史記晉世家解

二年

是棄功與言其誰昵我釋文棄力服本作棄功唯本又作昵女已反

三年

帥組甲三百

以組綴甲徐堅初學記卷二十二陳群道禮書卷一百十六

建一官而三物成

所舉三賢各能成其職事正義



絳無貳志事君不辟難有罪不逃刑

謂敢斬揚干之僕是不辟獲死之難正義

晉侯以魏絳為能以刑佐民矣反役與之禮食使佐

新軍

於是魏頡卒矣使趙武將新軍代魏頡升魏絳佐

新軍代趙武也同上

四年

武不可重

重大也言武事不可大任正義

我狄薦居

薦草也言狄人逐水草而居徙無常處正義

六年

夏宋華弱來奔司城子罕曰同罪異罰非刑也專戮

於朝罪孰大焉亦逐子蕩子蕩射子罕之門曰幾日

而不從我子罕善之如初

言子罕不阿同族亦逐樂轡以正國法忠之至也

及樂轡射其門畏從華弱之罰復善樂轡如初是

為茹柔吐剛喪其志矣傳故舉之明春秋之義善



惡俱見正義

九年

使皇鄭命校正出馬工正出車備甲兵庀武守

皇鄭皇父充石之後十世宗卿爲人之子大司馬

椒也正義

陶唐氏之火正閼伯居商丘祀大火而大紀時焉相土因之故主大火

商丘地名相土契之孫因之者代閼伯之後復居

商土湯以爲號詩商頌譜正義春秋正義引云相土居商丘故湯以爲天下號

棄位而姦

姦音效釋文引服氏同稽叔夜讀爲放效之效言效小人爲

淫正義

次于陰口而還

登南曰陰口者川口也水經注卷二十二

冠而生子

入君禮十二而冠也宋書禮志引賈服

君冠必以裸享之禮行之以金石之樂節之以先君之祧處之



曾祖之廟曰祧禮記祭法正義又冠禮正義春秋正義引云祧謂曾祖之廟也春

公還及衛冠於成公之廟

成公衛之曾祖即云祧謂曾祖之廟正義成公衛曾

祖故以祧為曾祖廟時不冠於衛之始祖非以

廟故也儀禮士冠禮疏

且要盟無質神弗臨也

質誠也無忠誠之信故神弗臨也正義

十年

春會於祖會吳子壽夢也

壽夢發聲也吳蠻夷言多發聲故數語共成一言

壽夢一言也經言乘傳有壽夢欲使學者知之也

正義

士莊伯曰杜預本作士莊子石經同惠氏棟曰服虔本作士莊伯見太平御覽高子相

大子以會諸侯將社稷是衛而皆不敬弃社稷也其

將不免乎

免脫也言將不脫罪禍不以壽終也傳舉此者為

十九年齊殺其大夫高厚二十五年崔杼弑其光

起本也太平御覽卷一百四十六



縣門發聊人紇抉之以出門者狄虎彌廷大車之輪而蒙之以甲以為櫓

抉擻也謂以木擻抉縣門使舉令下客人出也門者下屬為句正義

親受矢石

古者以石為箭鏑國語有隼集於陳侯之庭楛矢貫之石砮

秋七月楚子囊鄭子耳伐我西鄙

不書諱從晉不能服鄭旋復為楚鄭所伐恥而諱

之也

子孔當國為載書以位序聽政辟

鄭舊世卿父死子代子孔欲擅改之使以次先為

士大夫乃至卿也並同上

十有一年

七姓十二國之祖

晉主盟不自數正義

鄭人賂晉侯以師悝師觸師蠲

三師鐘師罇師磬師謂悝能鐘觸能罇蠲能磬也



廣車軌車

軌車屯守之車也 並同上

淳十五乘

正義云徧見服本皆云淳十五乘則凡兵車百乘者更合言軌廣或軌廣之外別有

百乘杜本軌十五乘

八年之中九合諸侯如樂之和

八年從四年以來至十一年也九合諸侯者五年會于戚一也其年又會于城棣救陳二也七年會于鄆三也八年會于邢丘四也九年會于戲五也十年會于祖六也又戊鄭虎牢七也十一年同盟

于亳城北八也又會于蕭魚九也

正義史記晉世家集解引云

九合一謂會于戚二會城棣救陳三會于鄆四會于邢丘五同盟于戲六會于祖七戊鄭虎牢八同盟于亳城北九會于蕭魚

便蕃左右亦是率從

據注似服本依詩作乎乎

平平辯治不將

詩小雅采芣義引服虔

十有三年

不猶愈乎

愈猶病愈 正義

十有四年



曹宣公之卒也諸侯與曹人不義曹君

宣公曹伯廬也以魯成公十三年會諸侯伐秦卒

于師曹君公子負芻也負芻在國聞宣公卒殺太

子而自立故曰不義之也史記吳世家集解

將立子臧

子臧負芻兄同上

不獲成焉

不得成戰陳之事正義

衛獻公戒孫文子甯惠子食皆服而朝日旰不召而

射鴻於圃二子從之不釋皮冠而與之言二子怒孫

文子如戚

孫文子林父也甯惠子甯殖也敕戒二子欲共宴

食皆服朝衣待命旰宴也二子從之從公於圃戚

孫文子邑也史記衛世家集解

公出奔齊孫氏遣之敗之從於河澤邾人執之

執追公徒者公如邾故邾人爲公執之正義

射兩鞫而還

車輓兩邊义馬頸者正義釋文 詩秦風小戎



馬頭者

王室之不懷繫伯舅是賴

釋文云壞服本作懷正義云服虔本壞作懷

懷柔也繫蒙也賴恃也王室之不懷柔諸侯蒙齊

桓之匡也

正義

詩云行歸於周萬民所望

逸詩也

詩小雅都人士正義云襄十四年左傳引此句服虔云逸詩也都人士首章有之禮

記注亦言毛氏有之三家則亡今韓詩實無此首章時三家列于學官毛詩不得立故服以為逸

十有五年

屈蕩為連尹

連尹射官言射相連屬也

正義

富而後使復其所

富賣玉得富

周禮天官大宰疏

十有六年

三月公會晉侯宋公衛侯鄭伯曹伯莒子邾子薛伯

杞伯小邾子於溴梁戊寅大夫盟

公羊以為溴梁之盟君若贅旒然穀梁云不日諸

侯之大夫大夫無君也言惡大夫專而君失權也

正義引公羊穀梁云賈服取以為說



十有七年

齊人獲臧堅齊侯使夙沙衛唁之且曰無死

弔生日唁以生見獲故唁之 詩鄘風載馳正義 釋文引首句

堅稽首曰拜命之辱抑君賜不終

言君義已故來唁之是惠賜也謂亡無死不以義

望亡是不終也 正義

不如蓋之乃舍之

蓋覆蓋之言左師無鷹鷂之志而蓋不義之人故

尤之 正義

左師為亡短策苟過華氏之門必騁

策馬捶也自為短策過華臣之門助御者擊馬而

馳惡之甚也必為短策者私助御者不欲使人知

也 正義

臯門之皙 釋文澤門本 或作臯門

臯澤也 文選司馬長 卿上林賦注

齊晏桓子卒晏嬰羸斬首經帶杖菅屨食粥居倚廬

展苦枕草其老曰非大夫之禮曰惟卿為大夫

端衰喪車無等其老之問晏子之答皆為非禮 禮記



雜記  
正義

師曠曰不害吾驟歌北風又歌南風南風不競多死聲

卯酉以北律呂為北風以南為南風正義北風夾鍾

無射以北南風姑洗南呂以南南律氣不至故死

聲多吹律而言歌與風者出聲曰歌以律是候氣

之管氣則風也故言歌風周禮春官樂師疏又

射夾律氣不至故聲多死正義

十有九年

取邾田自澗水歸之于我

刺晉偏而魯貪正義

顏懿姬無子其姪驪聲姬生光以為太子

兄子曰姪懿姬所從也顏驪皆其母姓懿聲諡也

傳家從後言之故舉諡也太平御覽卷一百四十六

諸子

諸子妾生子也

戎子仲子子嬖

二子宋女



仲子生牙

公子牙也

屬諸戎子

戎子子牙養母也

戎子請以為太子許之

齊侯許之

仲子曰不可廢常不祥

立長為祥立而廢之為不祥也

並同上

間諸侯難

間犯謂光已列於諸侯難成

同上 史記齊世家集解

光之立也列於諸侯矣

謂光數從諸侯征伐會盟

同上

今無故而廢之是專黜諸侯也

專獨也光比於諸侯列于盟不可黜也

太平御覽卷一百四

六十

而以難犯不祥君必悔之

以難成之事犯不善

公曰在我而已遂東太子光



東徙之東鄙也

崔杼微逆光

微隱匿也

疾病而立之

疾困也而立為太子

並同上

婦人無刑

婦人從人者也故不為制刑及犯惡從男子之刑

也正義

號之乃下問守備焉以無備告揖之乃登

彭仲博云齊欲誅衛呼而下與之言因可取之無為揖之復令登城仲博以為齊侯號衛衛慙而下云問守備焉問衛之守高唐者衛無恩信故令守者以無備告齊侯善其言故揖之乃命士卒登城此說近之正義

孔成子

衛卿孔烝鉏

史記衛世家集解

二十有一年

子盍詰盜

春秋左傳句解

卷三

孟姜嬭館補校



盡何不也正義

二十有二年

滅武仲如晉

武仲非卿故不書

而以爲口實

口實謂讒讓也並同上

二十有三年

禮爲鄰國關

鄰國尙爲之闕樂况甥舅之國乎儀禮聘禮疏

君子謂慶氏不義不可肆也

傳發此言爲不書慶氏以陳叛爲楚所圍稱國以

殺不成惡人肆其志也正義

唯魏氏及七輿大夫與之

下軍輿帥七人

樂魴傷

魴盈之子

啓牢成御襄罷師狼蘧疏爲右

司馬法謀師篇曰大前驅啓乘車大晨倅車屬焉



大晨大殿也

張武軍于熒庭

張設旗鼓也

趙勝帥東陽之帥以追之

東陽為魯邑

並同上

藥石也

石砭石也

南史王僧孺傳 冊 府元龜卷七百八十

夫石猶生我

夫謂孟孫也

正義

毋或如東門遂

東門遂襄仲也居東門故稱東門遂

史記齊世家集解

猶有先人之敝廬在下

下從上讀言敝廬在下

正義

作不順而施不恕也

不順謂阿季氏廢長立少也不恕謂惡季氏立庶

也

同上

二十有四年

大上有立德



伏羲神農當之如此之類乃是立德也正義

其次有立功

禹稷當之如此之類乃是立功也

其次有立言

史佚周任臧文仲當之如此之類乃是立言也

象有齒以焚其身

焚讀爲僨僨僵也爲生齒牙僵仆其身

部婁無松柏

喻小國無賢材知勇之人而與大國等也並同上

二十有五年

史皆曰吉

皆二卦正義

乃爲崔子間公

伺公間隙史記齊世家集解

公拊楹而歌

公以爲姜氏不知亡在外故歌以命之也一日公

自知見欺恐不得出故歌以自悔

不能聽命



言不能親聽公命

近于公宮

崔杼之宮近公宮淫者或許稱公

並同上

陪臣干誨有淫者不知二命

釋文云振服本作誨

誨子須反一日干扞也誨謀也

釋文

言受崔子命扞

禦謀淫之人

正義

故君為社稷死則死之為社稷亡則亡之

謂以公義為社稷死亡也如是者臣亦隨之死亡

史記齊世家集解

若為亡死而亡亡非其私暱誰敢任之

言君自以亡之私欲取死亡之禍則私近之臣所

當任也

舍之得民

置之所以得人心

並同上

執簡以往

古文篆書一簡八字

儀禮聘禮疏

下車七乘

下車遣車也

正義

上公饗餼九牢遣車九乘

禮記檀弓下正義



義

知楚令尹

令尹為楚建

正義

祝敝社司徒致民司馬致節司空致地

祝與司徒等皆是陳人各致其所主於子產

正義

井堙木刊

堙塞刊削也

詩魯頌泮水正義

二十有六年

殺子叔及太子角

殺太子角不書舉重者

正義

專祿以周旋

專祿謂以戚叛也既叛衛亦不臣於晉自謂若小

國是為專祿

同上

先六邑

四井為邑

史記鄭世家集解

取衛西鄙懿氏六十以與孫氏

六十邑

正義

晉侯賦嘉樂



晉侯自嘉樂愚之甚也同上

初宋芮司徒生女子

萬司徒宋大夫太平御覽卷一百四十七

赤而毛

其身色赤而生毛也

恭姬之妾取以入名之曰棄長而美今注疏本作共據御覽引作恭

恭姬宋伯姬也

平公入夕

視夕也平公恭姬子

恭姬與之食公見棄也而視之尤

尤過也意悅之視之過久

姬納之御

納之平公之御

嬖生佐

公嬖棄而生佐立為宋元公

惡而婉

婉順也佐貌惡心順

太子痤美而狠



太子貌美而心狠狠戾不從教

合左師畏而惡之

合左師向戍也

並同上

寺人惠牆伊戾為太子內師而無寵

寺人宋闔士惠伊皆發聲實為牆戾名以公寺人

為太子內師長掌內官

同上正義引惠伊皆發聲實為戾牆二句

秋楚客聘於晉過宋

楚客過使

太平御覽卷一百四十七

太子知之請野饗之

注疏本作享依御覽引

公使往伊戾請從之公曰夫不惡女乎

夫為太子伊戾無寵於太子故曰夫不惡汝

同上

二十三年正義引夫謂太子也句

對曰小人之事君子也惡之不敢遠好之不敢近敬

以待命敢有二心乎

御覽貳作二

縱有供其外莫供其內

御覽共並作供

言我內師也當為內師供內使也

太平御覽卷一百四十七

臣請往也遣之至則欲用牲加書徵之

以書為之徵驗也書盟書

春秋左傳卷之三

三 媼嬛館補校

春秋左傳卷之三

三十四卷三十二



而騁

騁馳

告公曰太子將為亂既與楚客盟矣公曰為我子又何求對曰欲速

速疾也欲疾代公得位故與楚客謀其弑父也

公使視之則信有焉

有盟也

問諸夫人

夫人佐母棄也

與左師則皆曰固聞之

固久也久聞太子欲為亂

公囚太子太子曰唯佐也能免我召而使請曰日中不來吾知死矣左師聞之

聞太子與佐期日中

聒而與之語

聒謹也欲使佐失期

過期乃縊而死佐為太子

經書宋公殺其世子痤平公用伊戾之譖聽夫人



左師之言言世子無罪而死故稱宋公殺罪之也

並同上

遂襲我高魚

取魯高魚及反之皆不書蓋諱之

正義

二十有七年

公喪之如稅服終身

衰麻已除日月已過乃聞喪而服是為稅服服之

輕者正義

仲尼使舉是禮也以為多文辭

以其多文辭故特舉而用之後世謂之孔氏聘辭以孔氏有其辭故傳不復載也

伯夙謂趙孟

伯夙晉大夫

故不書其族言違命也

叔孫欲尊魯國不為人私雖以違命見貶其於尊

國之義得之

趙孟為客

楚君恒以大夫為賓者大夫卑雖尊之猶違君也



楚先歆為盟主故尊趙孟為客

宜其光輔五君以為盟主也

文公為戎右襄靈為大夫成公為卿景公為太傅

也並同上

牀第之言

簣謂之第史記禮書集解

請免死之邑

向戌自以止兵民不戰鬪自矜其功故求免死之

賞也正義

以誣道斃諸侯

釋文云蔽服虔王肅董遇並作弊正義引作斃

二十有八年

陰不堪陽

歲為陽立枵為陰歲乘陰進至立枵陰不勝陽故

溫無冰正義

楚不幾十年未能恤諸侯也

此行也楚康王卒至昭四年楚靈王合諸侯于申

距今八年故曰不幾十年是謂十年不克征也同上







周樂魯所受四代之樂也史記吳世家集解

猶未也

未有雅頌之成功詩序正義

爲之歌邶鄘衛

邶在紂都之西詩邶鄘衛正義引王肅服虔

地理志云邶以紂

紂子武庚鄘管叔尹之衛蔡叔尹之以監殷民謂

之三監同上引地理志云王肅服虔皆依之爲說

武王崩三監叛周公

誅之盡以其地封弟康叔號曰孟侯遷邶鄘之民

於洛邑故邶鄘衛三國之詩相與爲風同上引地理志云服

虔依以爲說

爲之歌王

王室當在雅衰微而列在風國人猶尊之故稱王

猶春秋之王人也史記吳世家集解

詩王風譜正義引尊之二句

其周之東乎

平王東遷維邑史記吳世家集解

爲之歌鄭

鄭東鄭古檜國之地詩鄭風譜正義

曰美哉其細已甚民不堪也是其先亡乎



其風細弱已甚攝于大國之間無遠慮持久之風

故曰民不堪將先亡也史記吳世家集解

泱泱乎大風也哉

泱泱舒緩深遠有大和之意其詩風刺辭約而義

微體疏而不切故曰大風

表東海者其大公乎

言為東海之表式

國未可量也

國之興衰世數長短未可量也並同上

此之謂夏聲

秦仲始有車馬禮樂之好侍御之臣戎車四牡田

狩之事其孫襄公列為秦伯故有蒹葭蒼蒼之歌

終南之詩追錄先人車粼駟鐵小戎之歌與諸夏

同風故曰夏聲詩秦風譜正義

自鄘以下無譏焉

鄘以下及曹風其國小無所刺譏史記吳世家集解

為之歌小雅

自鹿鳴至菁菁者莪道文武修小政定大亂致太



平樂且有儀是為正大雅詩小大雅譜正義

曰美哉思而不貳怨而不言其周德之衰乎

此歎變小雅也其意言思上世之明聖而不貳於當時之王怨當時之政而不有背叛之志也其周

德之衰微乎疑其幽厲之政也正義

為之歌大雅

陳文王之德武王之功自文王以下至鳧鷖是為

正大雅詩小大雅譜正義

為之歌頌

哀公十一年孔子自衛反魯然後樂正雅頌各得

其所距此六十二歲當時雅頌未定而云為之歌

小雅大雅頌者傳家據已定錄之詩譜序正義

遷而不淫

遷徙也文王徙鄴武王居鄙史記吳世家集解

見舞象箛南籥者

象文王之樂舞象也箛舞曲名言天下樂削去無

道詩周頌維清正義

曰美哉猶可憾



憾恨也恨不及己以伐紂而致太平也  
而猶有慙德聖人之難也

慙于始伐而無聖佐故曰聖人之難也

勤而不德非禹其誰能修之

禹勤其身以治水土也

見舞韶節者

有虞氏之樂大韶也

曰至矣哉大矣

至帝王之道極於韶也盡善盡美也

若有他樂吾不敢請已

周用六代之樂堯曰咸池黃帝曰雲門魯受四代

下周二等故不舞其二季札知之故曰有他樂吾

不敢請

子速納邑與政

入邑與政職於公不與國家之事

慎之以禮

禮所以經國家利社稷也

聞鐘聲焉



孫文子鼓鐘作樂也

辯而不德必加於戮

辯苦鬪辯也夫以辯事不以德居之必加于刑戮

也

文子聞之終身不聽琴瑟

聞義而改也琴瑟不聽况鐘鼓乎

晉國其萃於三家乎注疏本作三族據史記訂

言晉之祚將集於三家

吾子好直必思自免於難

直不能曲撓以從衆並同上

三十年

穆叔問王子之為政何如

王子楚令尹王子圍也正義正

吏走問諸朝

吏不知歷數故走問於卿大夫

而廢其輿尉

輿尉軍尉主發衆使民

烏鳴于臺社



殷宋之祖也故鳴其社伯姬魯女故使魯往悟伯姬也

甲午宋大災宋伯姬卒待姆也

不書大非災火及人伯姬坐而待之耳並同上

大夫放釋文敖服本作放

放淫也釋文言大夫淫放正義

三十有一年

立胡女敬歸之子子野

胡歸姓之國也史記魯世家集解

立敬歸之婦齊歸之子公子裊

齊諡也

無則立長

無母弟則立庶子之長

猶有童心

言無成人之志而有童子之心並同上

以羸諸侯

羸讀爲盈受也正義引賈服王杜

延州來季子其果立乎



延陵州來邑名季子讓王位升延陵為大夫食邑

州來傳家通言之正義

令尹以君矣今注疏本作似君

言令尹動作以君儀故云以君矣同上







